

影宋柳河東集

重印序例
原本序例

雜識
目錄

事輯

道

卷之四

四

四


四

四

四

四





重印世綵堂河東集序

世綵堂昌黎河東二集宋廖瑩中刻也蒼梧才
士助之校讎泗水潛夫稱其楮墨一見癸辛之
識再登志雅之鈔由是而還久無稱述明季徐
郭二氏競爲新雕託鼎銘於黃初擬鏡刻於天
寶於是文道點勘始爲溯其淵源 天府儲藏

遂亦載其撰述是則識東施之面未解輜飢而
思西子之顰猶勞寤寐者矣自豐順丁氏得原
本韓集一時品藻徧於藝林顧匡廬之面目雖

呈而符契之縷文才半欲冀延津之合猶待汲
塚之開乃者壬戌仲秋越中人至傳有是本詫
爲讐言客或買舟訪之返而相告述其形製疑
不能明已而藏者挾書來海上急向索觀展卷
失驚掩書永歎曰此固宛委之遺編山陰之真
面也客何疑乎客何疑乎顧珍異之籍邂逅爲
難斯傳布之功棗梨尤急而或矜其孤本固以
重鈐符朗則負之而趨杜林乃握持不釋則西
陽逸典雖隨石室以同開而絳雲秘藏終錮層

樓以俱燼夫何潘子獨殊等倫計值固不惜連
城得書乃寶如尺璧猶復任人懷餅聽我攜甌
魯望借觀樂爲校勘倦圃申約意在流通爰付
手民傳茲秘冊謂非書林之佳話藝圃之奇緣
乎夫廖氏槧刻之精人無異議羣言具在無俟
贅陳至論其生平輒多訾詬謝山猶隱爲矜惜
少章乃刻意吹求余則謂標榜之風文人積習
知遇之感賢者不忘江上福華之篇葛嶺稱觴
之什阿諛黨惡何可諱言獨至大樹飄零冰山

傾圻孟嘗之客已散季倫之園旣空猶與師憲
慷慨唏噓一樽相對啣豫讓國士之感切中郎
私遇之懷榮枯不更死生依倚以視竇羣之於
吉甫惠卿之於半山顧可同日語哉江河日下
黃農愈遙背義乃速於置郵落井詎止於下石
橫流旣極視渭水以猶清甘薺無餘嘗秋荼而
不苦故論雕槩於昔日世綵固罕與比倫卽觀
世態於今時如羣玉又豈爲易得哉投毫四顧
不禁感慨係之也時癸亥二月羅振常序

重印河東集凡例

一廖氏此刻雖兼採各家注本然卷第悉從
沈晦計爲文四十五卷外集二卷明郭雲
鵬濟美堂本則此外尙附龍城錄等數卷
乃據他本刻入者郭本今亦少見因其板
式相同爰附印此數卷於後計龍城錄案
城錄乃王銍僞託前人已辨之惟附錄各
五百家注本已附此種姑仍其舊

二卷集傳後序各一卷都爲六卷

一郭刻外集比此本多文四篇乃沈晦原本

所無當自五百家本補入今就郭刻影寫
附於外集之後爲補遺一卷俾河東文更
無遺漏

一廖瑩中事實雖附載宋史賈似道傳僅寥
寥數語餘則散見他書東鱗西爪首尾不
具今檢各書中所載廖氏事蹟與關係其
所刻書籍碑帖者爲廖葯洲事輯一卷俾
讀者得所參稽

一廖氏刻此書後其勢旋敗國事亦隳故傳

本絕少數百年來幾無知者郭氏雖獲見此本然所刻多未從此微對勘不能知前豐順得韓集但謂東雅摹刻不如原本之精注語異同殊不言及令人不能釋然今柳集又出不粗爲考訂則廖本之真面目不見故翻閱之餘記其所得爲雜識一卷以諗讀者至取世行各本詳校全書尙俟異日

重印河東集凡例

癸亥春二月

蟬隱廬印行

讀世綵堂本河東集雜識

此書原藏山陰舟山村吳氏吳留村之裔也
不知藏自何時主者亦不知書偶有書客見
之圖甚急主者疑焉以書示人或以爲宋板
知其值昂驟見珍重有求見者出一冊眈眈
然更請其餘則入此冊於篋以易他冊如是
頻繁閱者苦之則亦請止旣而南海潘君明
訓酬以異等之值售者飽願而去觀者得稍
稍肆其志余更得假讀假印希世之珍未忍

輕率翻閱然列架稍久鄭重摩挲亦得大概
因泚筆記之用資考鏡數墨尋行無關宏旨
故命之曰雜識云羅振常記

廖氏刻韓柳兩集周公謹雖兩記之然注者何
人殊未之及自明徐時泰刻東雅堂韓集郭雲
鵬刻濟美堂柳集相傳爲翻刻廖本於是陳少
章作韓集點勘直曰東雅爲世綵定爲廖注
四庫總目乃據其說錄東雅本標曰廖瑩中集
注故廖氏不僅刻書且爲集注實發明於少章

也柳集雖無著者姓氏然凡例明言集各家之
注實亦頗參已說故河東集除行世諸家注外
別有廖注此讀者及目錄家第一當辨明者也

持靜齋書目著錄世綵堂韓集但云
廖瑩中精刊本不言注者何人疏矣

刻韓柳集年月陳文道定爲德祐元年以前是
矣案周公謹稱瑩中刻書始於福華編福華編
者稱頌賈似道援鄂之功而作也考似道自鄂
班師在景定元年三月是時始撰福華編則兩
集之刻在景定元年之後又可知矣

景定改元至德祐改

元其間爲
十五年

此書半頁九行每行十七字雙框雙魚尾線口
口之上端記字數下列刻工名氏與尋常宋本
同惟書口下方有世綵堂三字每卷後有世綵
廖氏刻梓家塾木記字或篆或隸形或橢圓或
長方或亞字則宋本中不多見也字畫尤與尋
常宋本異宋刻雖多率更體然自成一板刻之
字此書則全如手寫精楷彷彿晉唐小帖又宋
刻無論官私本無不有俗寫省筆之字此書獨

無則當時必出名手而非尋常寫官所爲無疑

也

其避諱之字往往僅缺半筆亦他書所未見者

據廣西通志爲廖氏校書者爲姜弘似

案如周公謹說

則校書人甚多姜特其一耳

寫書者無考江都秦君曼青

更

年疑爲金蓀壁說頗可據案蓀壁名應桂字一

之號蓀壁又號積慶山人錢塘人能歐書畫學

李龍眠受知賈似道爲縣令入元隱居不仕築

室西湖積慶山巔名蓀壁山房仇遠贈蓀壁詩

有客來把玩新題扇半似鍾繇半是歐之句

見朱